

# Retningslinjer for næringstilskot 2021-2024

Ål kommune

Utkast april 2021



<b>1. Innleiing .....</b>	<b>3</b>
<b>2. Fond og andre løyvingar til næringsformål.....</b>	<b>3</b>
<b>3. Retningsliner for bruk av midlar frå tilskotsdelen av næringsfondet og jordbruksfondet .....</b>	<b>4</b>
<b>4. Arrangementsfondet.....</b>	<b>5</b>
<b>5. Felles retningsliner.....</b>	<b>6</b>

## 1. Innleiing

### 1.1 Føremål

For å skape ei positiv næringsutvikling i kommunen, ønskjer Ål kommune å samarbeide om prosjekt og tiltak som fremjer eit utviklingsorientert næringsliv, og mellom offentlege og private aktørar.

Det skal etablerast lønsame arbeidsplassar, og verdiskapinga skal aukast ved at Ål og regionen får ein meir robust og breiare næringsstruktur.



## 2. Fond og andre løyvingar til næringsformål

### 2.1 Tilskotsdelen av næringsfondet

Avsetjinga skal vera øyremerkt tilskot til næringsutvikling, både investeringar og prosjekt, som styrker eksisterande næring eller gir grunnlag for nye arbeidsplasser.

Det kan også gjevast tilskot til fellesprosjekt som fremjar utvikling for Ål-samfunnet.

### 2.2 Jordbruksfondet

Avsetjinga skal vera øyremerkt tilskot til landbruksnæringa, og til fellestiltak som har til føremål å fremja landbruket i Ål.

### 2.3 Arrangementsfondet

Arrangementsfondet i Ål kommune skal nyttast til å stimulere og utvikle nye og eksisterande arrangement.

### **3. Retningslinjer for bruk av midlar frå tilskotsdelen av næringsfondet og jordbruksfondet**

#### **3.1 Søknad**

Søknader blir handsama av næringsutviklar og Næringsstyret fortløpande.

#### **3.2 Stønadsvilkår.**

1. Tiltak/prosjekt som søker om finansiering frå næringsfondet, kan ikkje allereie vera starta før søknaden blir fremja med mindre anna er avtala med næringsutviklar/rådmann.
2. Det blir ikkje gjeve tilskot til investering i lett omsetbare produksjonsmidlar, driftsmidlar eller næringsbygg til utleigeverksemd.
3. Det vert ikkje gjeve lån eller tilskot til sanering av gjeld.
4. Ved handsaming av søknader om tilskot frå næringsfondet, skal det og takast omsyn til andre offentleg tilskot (til dømes frå Innovasjon Norge) som vert gjeve/søkt om til føremålet. Næringsfondet skal ikkje erstatte annan ekstern finansiering.
5. EØS-reglane må ivaretakast.
6. Søkjaren skal nytte kommunen sitt søknadsskjema. Ved underskrift på dette bind søkjaren seg til å godta dei føresetnader som eventuelt tilskot blir gitt på.
7. Dersom søkjaren gjev feil opplysningar, føresetnadene blir endra, eller bedrifta blir selt/lagt ned/flytta innan 3 år etter at tilskotet er utbetalt, kan kommunen krevja pengane attende.
8. Midlar løyvd til prosjekt som ikkje er sluttrapportert innan 3 år frå vedtaksdato, blir ført attende til næringsfondet.

#### **3.3 Leiing - Delegering - avgjerdsmynde.**

Rådmannen avgjer søknader med søknadssum inntil kr 70 000.

Næringsstyret avgjer søknader med søknadssum inntil kr. 500 000.

Større søknader blir avgjort av kommunestyret, etter innstilling frå næringsstyret.

Det skal øyremerkast minimum kr. 140 000 til landbruksføremål kvart år.

## **4. Arrangementsfondet**

### **4.1 Søknad**

Utarbeidd søknadsskjema skal brukast. Ved underskrift på dette bind søkjaren seg til å godta dei føresetnader som eventuelt tilskot blir gitt på. Tilleggsopplysningar kan gjevast i eige vedlegg.

Søknadsfristar for arrangementstilskot er 1. desember året før arrangementet gjennomførast.

### **4.2 Kven kan søkje tilskot?**

Organisasjonar, institusjonar, personar og bedrifter i Ål kommune kan få tilskot til å utvikle og realisere arrangement.

Det blir ikkje gjeve tilskot til lands- og fylkesorganisasjonar.

Arrangement som primært har som oppgåve å ta vare på medlemene sine yrkes- og/eller økonomiske interesser, og organisasjonar som ikkje er opne for alle, kan ikkje rekne med å få tilskot.

### **4.3 Stønadsvilkår**

Tilskot kan løyvast til:

- Lokale arrangementet
- Eksterne arrangørar som samarbeider med lokale kan søke.
- Ål kommune kan gje råd om andre finansieringsordningar/støtteordningar til arrangementa.

### **Leiing - Delegering - avgjerdsmynde.**

Rådmannen avgjer søknader med søknadssum inntil 70 000 kroner.

Større søknader blir avgjort av næringsstyret.

30 000 kr. vert gjeve i tilskot til Ål arrangementsforum under føresetnad av at medlemmene av forumet betaler inn tilsvarande sum og at forumet er aktivt.

## 5. Felles retningslinjer

Kommunestyret bestemmer kvart år - i samband med budsjettarbeidet - kor mykje som skal nyttast som tilskot til næringsverksemd.

Næringsstyret består av 2 politikarar og 3 representantar frå næringslivet.

Eit mindretal på 2 kan anke avgjersle i næringsstyret inn for klageorgan (formannskapet).

Næringsutviklar er sekretær og sakshandsamar i alle tilskotssaker.

### Utbetaling av tilskot

- Prosjektet må gjennomførast i samsvar med søknaden.
- Fyrste halvpart av tilskotet kan utbetalast etter vedtak. Siste halvpart av tilskotet vert utbetalt når prosjektet er fullført og kostnadane kan dokumenterast. Rådmannen/sakshandsamar tek stilling til kva dokumentasjon som skal godkjennast i kvart tilfelle før siste utbetaling.
- Løyvd tilskot som ikkje blir nytta innan 3 år blir ført attende til næringsfondet.

### Misleghald

Ål kommune kan krevja at utbetalt tilskot vert attendebetalt heilt eller delvis dersom tilskotsprosjektet vert overdrege til andre, flytta, nedlagt eller på annan måte vesentleg endra, slik at det opphavar grunnlaget for tilskot fell bort. Slik attendebetalning kan skje inntil 3 år etter at tilskotet er gitt.

### Ubrukte midlar.

Kommunestyret avgjer om ubrukne midlar eit år skal tilleggast urørleg grunnkapital – eller overførast til neste års tilskotsdel av næringsfondet.

### Klage

Det er mogleg å påklage vedtak gjort av rådmannen eller næringsstyret. Klagefristen er 3 veker frå det tidspunkt søker mottar melding om vedtaket. Klagen må fremjast skriftleg, og må nemne det vedtak det blir klaga over. Samtidig bør ein nemne dei grunnane klagen støtter seg til. Klaga blir fremja for det organ som har fatta vedtaket. Dersom vedtaket blir oppretthalde, skal klagen oversendast klageorganet for vidare handsaming.

Klageorgan er formannskapet i Ål kommune.

Ål xx.xx.2021

Solveig Vestenfor  
Ordførar

Desse retningslinjene er vedtekne av Ål kommunestyre i møte xx.xx.2021.